



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ԱՇԽԱՏԱԿԱԶՄԻ
ԴԵՏԱԿԱՆ ՀՐԴԵՀԱՅԻՆ ԵՎ ՏԵԽՆԻԿԱԿԱՆ
ԱՆՎՏԱՆԳՈՒԹՅԱՆ ՏԵՍՉՈՒԹՅՈՒՆ

ՈՐՈՇՈՒՄ N^o 011

Տուգանք նշանակելու մասին

ք. Երևան

« 01 » 03 2018թ.

ՀՀ ԱԻՆ աշխատակազմի ՊՀ և ՏԱ տեսչության պետ Ա. Մկրտչյանս, ուսումնասիրելով ԱԶ Սևան Մկրտչյանի կողմից տեխնիկական անվտանգության բնագավառում գործող օրենսդրությանը չհամապատասխանելու վերաբերյալ վարչական վարույթի նյութերը

Պարզեցի՝

ՀՀ ԱԻՆ աշխատակազմի ՊՀ և ՏԱ տեսչության Գեղարքունիքի ՄՀ և ՏԱ տեսչության աշխատակիցների կողմից 2018թ. փետրվարի 01-ին կազմվել է N 006 արձանագրությունը այն մասին, որ ԱԶ Սևան Մկրտչյանի կողմից (Գեղարքունիք մարզի, գյուղ Կարմիրգյուղ, Ազատության պողոտա 9 հասցեում) շահագործվող Կամազ-5511 մակնիշի 03 ՍՏ 041 պետհամարանիշի ավտոմեքենայի վրա վերասարքավորված ԱԳԼՇԿ-ն գրանցված չէ արտադրական վտանգավոր օբյեկտների ռեեստրում և չի անցել ամենամյա տեխնիկական անվտանգության փորձաքննություն:

Նշվածով խախտվել են <<Տեխնիկական անվտանգության ապահովման պետական կարգավորման մասին>> ՀՀ օրենքի 11-րդ հոդվածի 6-րդ մասի, 12-րդ հոդվածի 2-րդ մասի և 19-րդ հոդվածի 1-ին մասի <<Ժբ>> և <<Ժդ>> կետերի պահանջները:

Արտադրական վտանգավոր օբյեկտ շահագործող անձ է հանդիսանում քաղ. Սևան Մկրտչյանը, բնակվող Գեղարքունիքի մարզ, գյուղ Կարմիրգյուղ, Ազատության պող. տուն 9 հասցեում:

Ղեկավարվելով <<Վարչարարության հիմունքների և վարչական վարույթի մասին>> Հայաստանի Հանրապետության օրենքի 54-րդ, 58-61-րդ հոդվածներով, <<Տեխնիկական

անվտանգության ապահովման պետական կարգավորման մասին>> Հայաստանի Հանրապետության օրենքի 17-րդ հոդվածի 1-ին մասի <<ի>> կետով.

ՈՐՈՇԵՑԻ

1. Տվյալ իրավախախտման համար պատասխանատու ճանաչելով ԱԶ Սևան Մկրտչյանին <<Տեխնիկական անվտանգության ապահովման պետական կարգավորման մասին>> Հայաստանի Հանրապետության օրենքի 21-րդ հոդվածի 3-րդ և 5-րդ կետերով, կիրառել <<Վարչական իրավախախտումների վերաբերյալ>> ՀՀ օրենսգրքի 35-րդ հոդվածը և նշանակել տուգանք նշված սանկցիաներից մեկով, վերջինիս նկատմամբ կիրառել տուգանք՝ 1.000.000 (մեկ միլիոն) դրամի չափով:

2. Համաձայն <<Վարչական իրավախախտումների վերաբերյալ>> ՀՀ օրենսգրքի 305-րդ հոդվածի, տուգանքը պետք է վճարվի տուգանք նշանակելու մասին որոշումը իրավախախտողին հանձնելու օրվանից ոչ ուշ, քան 15 օրվա ընթացքում: Տուգանքը պետք է վճարվի պետական բյուջե՝ 900005240115 հ/հ:

3. Տուգանքը սահմանված ժամկետում վճարելուց հետո, բանկային կտրոնի պատճենը անհրաժեշտ է 3 օրվա ընթացքում ներկայացնել ՀՀ ԱԻՆ տեխնիկական անվտանգության ոլորտում վարչական վարույթ իրականացնող մարմնին՝ ք. Երևան, Դավիթաշեն 4 թաղ., Ա. Միկոյան 109/8 հասցեով:

4. ԱԶ Սևան Մկրտչյանին իրազեկել, որ տուգանք նշանակելու մասին որոշման կատարումն իրականացվում է <<Վարչարարության հիմունքների և վարչական վարույթի մասին>> Հայաստանի Հանրապետության օրենքի 88-րդ հոդվածի համաձայն: Սույն որոշումը կարող է բողոքարկվել վարչական ակտն ուժի մեջ մտնելու օրվանից երկու ամսվա ընթացքում:

ՀՀ ԱԻՆ աշխատակազմի
ՊՀ և ՏԱ տեսչության պետ,
գլխավոր պետական տեսուչ



Ա. Մկրտչյան